



Bibliotheca Rhetorum

In quo Causae Forenses, Liber Epistolarum, Liber Fabularum, Et
Oratiunculae

Le Jay, Gabriel François

Ingolstadij, 1726

Lentulus Fabio, cùm invitatus ad cænam non venisset.

[urn:nbn:de:hbz:466:1-71049](https://nbn-resolving.de/urn:nbn:de:hbz:466:1-71049)

totus incumbit. Parco dicere plura illius in gratiam, ne forte videar filio plusculum indulgens mater. At non tacebo tamen, quod unum ipsius in moribus amavi maximè, memorem tuæ in eum benevolentiae ac gratum in primis animum. O si adesses, quoties amicum sibi, liberalem ac beneficium in primis Magistrum ja^ctitat! Hanc tu porrò benevolentiae partem, quam puero impertiiisti ha-
c tenus, ut iueri semper ac præstare velis, etiam atque etiam peto. Pervidisti omnino Adolescentis animum, quem benignitate potius, quam acerbitate regendum putaveris. De reliquo familiam totam sic obligasti, ut cupidissimam, tuique in omne tempus observantissimam sis habiturus. Vale.

LENTULUS FABIO,

*Cum is invitatus ad Cœnam & pollicitas
non venisset.*

Objurgatoria.

Ergo promittis ad cœnam, & non venis? Tibi jus dicitur: ad assēm impendium reddes, neque id modicum. Paratus erat tibi Capo præpinguis ex Cœnomanensi tractu recens advenitus: Pullus geminus educatus sedulò & frumento jam diu fartus; adde & Palumbes duos cum Cuniculo, non urbano illo quidem & domestico, sed rustico & sylvestri. Vinum fileo, quale nec bibitur Rhemis, quadrimū illud sanè, quod neque palatum exsurdet, neque vetustate evanuerit. Glaciem, quanquam æstus præteriit, servabam tibi homini, si quis aliis est acri & præservido;

hanc

hanc quoque computabis, imò hanc in primis
quæ periit in ferculo. Ad hæc Olivæ Salyæ lon-
gâ muriâ conditæ. Quid plura? fructus omnis
generis, quos tempestas ferat; etiam cùpediæ,
bellaria, dulciaria, si tamen delicias illas conse-
ctaris. At tu apud nescio quem Aprum, Perdi-
ces, Lepores maluisti. Dabis pœnas, non dico
quas. Durè fecisti; nescio an tibi, an mihi; sed
tamen & tibi. Quantum lusissimus, risissimus!
Potes apparatiūs cœnare apud multos, nusquam
hilarius, simplicius, incautius. In summâ expe-
rire; & nisi posthac te alijs potius excusaveris,
mihi semper excusa. Vale.

MARCUS TULLIUS CICERO

Tito Annio Miloni Massiliæ
exulanti.

*Cum scriptam, quam pro ipso dixerat,
Orationem ad eum mitteret.*

Ad excusandum.

EXulas ergo vel innocens, Tite Annī; neque
fatalem à cervicibus tuis casum arcere po-
tuit tuus ille Tullius, cūjus in patrocinio tan-
tum posueras? Infelicem me vel hac meā, si qua
est, dicendi facultate, quæ tibi non profuit! Nam
quid me juvet adfuisse quibusdam in causâ capitî,
& meritas etiam nonnunquam pœnas depulisse;
dum tibi reliquos inter homini amicissimo opitu-
lari non licuit? Tamen accusa effrænem armo-
rum licentiam; accusa Clodianæ factionis auto-
ritatem; quæ pristinam consuetudinem Fori, &
vete-